



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 65. Joannes Parmensis FF. Minorum Minister Generalis.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

ut ejus potestatem per omnem terram agnosci curaret. En totum fructum laborum ac discriminum, quos tam ferventes hi viri Apostolici subierunt. Tres anni ac septem menses effluerant in hoc itinere F. Ascelini, cum ad Papam revenit.

Sæcul.XIII.
A.C.1247.

§. LXV.

*Joannes Parmensis FF. Minorum
Minister Generalis.*

Hoc anno 1247. Ordo FF. Minorum mutavit Ministrum Generalem. Decimo Maji Papa omnibus iis, qui comitiis generalibus interesse debebant, se pro sua in eos propensione hæc coram se habenda ducere indicavit, & huic negotio 13 Julii diem attribuit, eos illa die ad se venire, ubicunque tunc foret, jubens. Erat autem Avenione, ibique comitia fiebant. Frater Crescentius sextus Ordinis Minister Generalis haud comparuit, contentus eo mittere, sicut ad concilium Lugdunense fecerat, suum Vicarium Fratrem Bonaventuram Æsiensem, per quem petiit, ut ob ætatem, dexteritatis penuriam, & singulariter ob tenuem facundiam suam gesto munere expediretur. Nec querimoniæ de illo deerant: negligere officium suum, malum exem-

Vading.
1247.n.I.2.
Esc.
Boll.19.
Mart. to. 8.
p. 58.

Sæcul. XIII.
A.C. 1247. exemplum præbere, disciplinæ remissionem permittere, immo introducere ferebatur. Accepta proin abdicatione sua, reliquos vitæ dies in ea demissione, ad quam vocatus erat, traduxit.

In ejus locum suffectus est Frater Joannes Parmensis provinciæ Bononiensis, qui tum Parisiis Theologiæ Doctorem publice agebat, vir eximie virtutis, ac regularis disciplinæ studiosissimus: electus autem fuit una omnium voce, atque ita septimus Generalis Minister Ordinis factus. Quæ res huic pacem reddidit, tantumque creavit gaudium, ut S. Francisci spiritus in eum rediisse diceretur. Primi præsertim S. Patris discipuli sic loquebantur: nam aliqui etiamnum vivebant, & inter eos Ægidius Assisinas, qui novum Ministrum Generalem primo salutans, *Mi Pater!* inquebat, *optatus ades, at ferro venisti:* significabat, rem difficilem fore solutori disciplinæ jam inductæ afferre remedia.

Joannes Parmensis aggressus officium, a restituenda pace initium sumpsit. Scripsit epistolas consolatorias Fratribus virtutis ac regulæ studio ardentibus, ab antecessore suo in exilium missis; & in suam quemque provinciam revocavit. Obtinuit diploma Pontificium Lugduni 13 Aug.

Vading.
Regist. p. 104
n. 53.

Aug. 1247 datum, declarans, nullum Sæcul. XIII.
 Legatum, qui non esset a latere, nullum A.C. 1247.
 que Præfulem sub obtentu litterarum
 Papæ posse ad operam suis aut Ecclesiæ
 suæ rebus navandam aliquem Fratrem
 Minorem domi suæ retinere præterquam
 illos, quos Legati vel Præfules a Mini-
 stro Generali vel Provinciali impetrassent,
 & qui disciplinæ Ordinis submissi mane-
 rent. Curavit etiam, ut Papa retexe-
 ret factam quibusdam Fratribus ad ex-
 teras gentes missis copiam suscipiendi
 eos, qui Ordinem vellent ingredi, & no-
 vas provincias, iisque Superiores consti-
 tuendi: ac ostendit Papæ, quam perni-
 ciosa Ordini hæc permissio esset.

p. 107. n. 55.

Per tres primos sui muneris annos
 universi Ordinis disciplinam inspexit, cum
 uno vel summum duobus fociis pedibus
 iter faciens. Unicam gestabat togam,
 & in ejus facie, gestibus, ac incessu de-
 missio tanta erat, ut multis in coenobiis
 aliquot dies maneret incognitus, & om-
 nem Fratrum mores examinandi liber-
 tatem haberet, sibi non diffidentium in-
 dolem videns; curabat enim, ut ne ad-
 ventum ipsius cognoscerent. Demum
 personam professus suam, quæ videban-
 tur, statuit & correxit; ad primam omnia
 observantiam redegit; segnes interdum
 Supe-

Sæcul. XIII. Superiores officio privavit; & Fratres
A. C. 1247. minus boni exempli removit. Quantumvis lassus de via preces horarias exemplo S. Francisci stans ac detecto capite peragebat. Nulla in cibis distinctione admittit, proximam quamque portionem sumebat gratias agens.

§. LXVI.

Christi sanguis in Anglia.

Matth. Par.
p. 640.

In Anglia Henricus Rex ad omnes Regni sui Proceres scripsit, ut die translationis S. Eduardi scilicet 13 Octobris Londini comparerent, gratum auditurum nuncium favoris a Deo sibi nuper exhibitum. Westmonasterii dicto die presentibus indicatum est, Magistros Templariorum & Hospitaliariorum Equitum per Templarium misisse portionem Sanguinis Christi crystallino in vase perantiquo cum testimoniis Patriarchæ Hierosolymitani, Episcoporum, Abbatum, & Procerum Terræ sanctæ. Henricus hac occasione S. Ludovici affinis sui exemplum, quod in vera cruce honoranda ediderat, imitaturus, in pervigilio festi jejunium coluit pane & aqua contentus; ipso autem die in supplicatione publica sacras reliquias solenni ritu a Cathedrali S. Pauli Ecclesia Westmonasterium ad S. Petri templum